



JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIÁRIU

"JSMP: Servisu atu garante justisa ba ema hotu"

Rua setubal Colmera Dili, Timor Leste
Po Box 275, Telefone: 3323883, info@jsmp.minihub.org
Website: www.jsmp.tl
Facebook: www.facebook.com/timorleste.jsmp
Twitter: @JSMPtl



Rua Bebora. Dili. Timor Leste
Telefone : 3322922/3311020/77272070



Kazu Violénsia Doméstika Aas iha Suku Holsa: Komunidade sira husu atu governu halo sosializasaun ba Lei Kontra Violénsia Doméstika

Iha 13 Janeiru 2015, Judicial System Monitoring Programme (JSMP) liuhusi Unidade Relasaun Públiku no Unidade Justisa ba Feto no Labarik, fasilita treinamentu kona-ba "Asesu ba Sistema Justisa Formal" ba komunidade sira iha Suku Holsa, Sub-distritu Maliana, Distritu Bobonaro. Partisipante ne'ebé partisipa iha treinamentu ne'e hamutuk ema nain 30, kompostu husi feto 15 no mane 15.



Objetivu husi treinamentu ne'e hanesan komitmentu JSMP nian hodi kontinua habelar informasaun relasiona ho oinsá atu prosesa kazu tuir sistema formal ba komunidade sira liuliu sira ne'ebé susar atu hetan informasaun.

"Treinamentu ida ne'e hanesan atividade kontinuasaun, atu



ajuda komunidade sira bele hetan informasaun kona-ba oinsá atu prosesa sira nia kazu tuir dalan no mekanismu formal



ne'ebe eziste ona" dehan Diretór Ezekutivu JSMP, Luis de Oliveira Sampaio.

JSMP hanoin katak preokupasaun komunidade sira nian ne'e pertanente tebes, liuliu preokupasaun kona-ba kazu violénsia doméstika ne'ebé aumenta aas. Tanba ne'e governu iha obrigasaun atu kontinua introdús no habelar

informasaun kona-ba Lei Kontra Violénsia Doméstika ba komunidade sira.

Xefe Suku Holsa António Santa Cruz, iha abertura hato'o katak

JSMP hanesan oganizasaun sosiedade sivil ne'ebé ho nia papel importante no estratejiku tebes. JSMP hanesan mós parseira governu nian, tanba ne'e nia hanoin katak JSMP prezisa ajuda governu hodi lori informasaun sira ne'ebé iha relasaun ho komunidade sira nia direitu no obrigasaun. Ida ne'e atu asegura katak komunidade sira bele hetan informasaun kona-ba oinsá atu lori sira nia kazu tuir sistema formal ne'ebé iha.

Sr. Santa Cruz apela ba partespiente sira atu aproveita oportunidade ida ne'e didi'ak tanba informasaun sira ne'e sei sai hanesan bukae ida ba partisipantes sira iha futuro. Tanba ne'e nia enkonraza partisipante sira atu proativu hodi hatu perguntan no preokupasaun ruma liuliu

iha relasaun ho realidade no situasaun loron-loron ne'ebé ita boot sira hasoru.

JSMP observa partisipante sira ativu no hatudu sira nia interese hodi hatu'o sira nia perguntan no preokupasaun relasiona ho kazu violénsia doméstika ne'ebé kontinua aas, violénsia seksual, kazu amante ne'ebé ikus mai hamosu violénsia no divorsiu. Aleinde ne'e partisipantes sira preokupadu liu kona-ba kazu inestu ne'ebé tuir sira katak hahalok ne'ebé la-bele tolera no tenke fó kastigu ho pena ne'ebe todan ba arguidu hodi nune'e bele iha efek jera



(efeitu prevensaun) iha futuro Partisipantes sira mós husu atu governu no parlamentu la-prodús de'it lei, maibé oinsá governu tenke halo sosializasaun ba lei sira liuliu Lei Kontra Violénsia Doméstika iha área remotas. Partisipante sira preokupa tanba maske

lei ne'e aprova no tama ona iha vigor iha tinan 2010 maibé iha realidade komunidade barak mak ladauk hatene no hetan informasaun loloos kona-ba lei ne'e.

Ba kestaun hirak ne'e JSMP esplika kona-ba prosesu justisa ba kazu violénsia doméstika no kazu violensaun seksual tuir provizaun Kódigu Penál.

JSMP mós esplika ba sira katak preokupasaun no rekomendasaun hirak ne'e sei hatu'o ba governu ka instituiusaun relevante liuhusi audensia sira ka hakerek karta, hodi bele

hetan konsiderasaun ruma.

Treinamentu ida ne'e realiza tanba hetan suporta husi Embaixada Canada iha Indonézia. ***

Estudante eskola sekundariu tékniku vokasional Aileu hatudu antusiasmu makas kona-ba oinsá bele asesu ba justisa

Iha 12 Janeiru 2016, Judicial System Monitoring Programme (JSMP) liuhusi Unidade Peskizador Legál (Legal Research Unit) no Unidade Programa Observasaun Parlamentár (POP) hala'o treinamentu, iha Eskola Sekundáriu Tékniku Vokasional Aileu, kona-ba asesu ba justisa.



Iha treinamentu ne'e, JSMP apresenta materia kona-ba direitu umanu, kna'ar no kompeténsia autór no instituisaun judisiáriu sira, tipu krime no sira nia natureza krime ida-ida, tuir sistema justisa formal no opsaun sira ba justisa tradisionál.

Treinamentu ne'e, partisipa husi estudante feto ema nain 15 no estudante mane ema nain 15 hamutuk partisipante nain 30.

Durante treinamentu, estudante sira hatu'o preokupasaun kona-ba oinsá bele asesu ba iha justisa formal, solusaun ba iha kazu violénsia doméstika, no prosesu ba iha

violasaun ba direitus umanus.

"Treinamentu ba estudante sira ne'e nesensariu tanba hanesan joven no estudante liuliu estudante feto dalabarak sira potensiadu atu sai ba



vítima ba kazu sira, ne'ebé impede sira kontinua sira nia estudu. Tanba ne'e treinamentu hanesan ne'e importante tebes atu hasae sira nia koñesimentu iha area setór justisa formal nune'e, sira kumprinde

oinsa papél setór justisa formal nian" dehan Diretór JSMP, Luis de Oliveria

Iha sesaun ne'e estudante sira mós kestiona kona-ba solusaun ba iha kazu abuzu poder ne'ebé envolve lideransa sira, violasaun

direitus umanus hosi autóridade sira hanesan PNTL no F-FDTL hasoru povu sivil sira.

Diretór Eskola Sekundáriu Tékniku Vokasional Aileu, Luciano Ximenes iha nia abertura no enseramentu,

apresia tebes ba JSMP nia prezensa. Responsavel eskola ne'e konsidera katak treinamentu ne'e importante atu fó koñesimentu jerál ba estudante sira kona-ba saida mak justisa formal no definisaun direitus umanus atu nune'e sira bele komesa hatu'ur sira nia aan nu'udar sidadaun ne'ebé didi'ak iha sira nia sosiédade nia leet.

JSMP haksolok tanba bele hetan oportunidade atu kontinua programa trenamentu ba estudante sira hanesan area ida importante tanba estudante mak nu'udar autór potensial sira ba future nasaun nian.***

EVENTU SIRA TUIR MAI

- * Iha 19 Janeiru 2016, JSMP sei fasilitas treinamentu kona-ba Asesu ba Justisa Formal ba Estudante Eskola Sekundária publiku Distritu Maliana.
- * Iha 19 Janeiru 2016, JSMP sei fasilitas treinamentu ba Lider komunitaria iha Suku Laulara Distirtu Aileu kona-ba Asesu ba Justisa Formal.